



TOSHKENT DAVLAT YURIDIK UNIVERSITETI REKTORINING B U Y R U G ' I

18.11.2024

205-um-son

O‘zbekiston Respublikasi Konstitutsiyasi bayramini yuqori saviyada o‘tkazish to‘g‘risida

O‘zbekiston Respublikasi Prezidentining 2024-yil 17-oktyabrdagi “O‘zbekiston Respublikasi Konstitutsiyasi kuni bayramiga tayyorgarlik ko‘rish va uni o‘tkazish to‘g‘risida” F–53-son farmoyishi, O‘zbekiston Respublikasi adliya vazirining 2024-yil 11-noyabrdagi “O‘zbekiston Respublikasi Konstitutsiyasi bayramini yuksak saviyada o‘tkazish to‘g‘risida”gi 378-um-son buyrug‘ida belgilangna vazifalar ijrosini ta‘minlash, O‘zbekiston Respublikasi Konstitutsiyasining o‘ttiz ikki yilligini yuksak saviyada nishonlash, Konstitutsiyada belgilangan normalarning mazmun-moyihatini keng aholi qatlamiga oddiy va xalqchil tilda tushuntirish, fuqarolarimizda Konstitutsiya va qonunlarga hurmat ruxini shakllantirish maqsadida,

BUYURAMAN:

1. O‘zbekiston Respublikasi Prezidentining 2024-yil 17-oktyabrdagi F–53-son farmoyishi hamda O‘zbekiston Respublikasi adliya vazirining 2024-yil 11-noyabrdagi 378-um-son buyrug‘i ma‘lumot va ijro uchun qabul qilinsin.

2. Toshkent davlat yuridik universiteti (bundan buyon matnda – TDYU) hamda uning tizimidagi ta‘lim muassasalarida O‘zbekiston Respublikasi Konstitutsiyasi qabul qilinganligining o‘ttiz ikki yilligi “Konstitutsiya – xalqchil davlat, barqaror taraqqiyot va farovon hayot asosi!” shiori ostida keng nishonlansin.

3. O‘zbekiston Respublikasi Konstitutsiyasi qabul qilinganligining o‘ttiz ikki yilligini munosib kutib olish va o‘tkazish bo‘yicha chora-tadbirlar rejasi 1-ilovaga muvofiq tasdiqlansin.

4. Birinchi prorektor A.Xashimhonov:

Konstitutsiya kuni bayramini TDYUda hamda uning tizimidagi ta‘lim muassasalarida keng nishonlanishini nazoratga olsin;

Konstitutsiya kuni bayramini nishonlash bo‘yicha O‘zbekiston Respublikasi Prezidentining farmoyishi, O‘zbekiston Respublikasi adliya vazirining buyrug‘ida

hamda TDYU chora-tadbirlarida belgilangan vazifalar ijrosini yuqori saviyada tashkil etilishini nazoratga olsin;

O‘zbekiston Respublikasi Konstitutsiyasi mazmun-mohiyatini keng aholi, shu jumladan yoshlar orasida keng targ‘ib qilish yuzasidan targ‘ibot tadbirlari, tanlovlar, loyihalar tashkil etilishini nazoratga olsin;

TDYUning asosiy vazifalaridan biri sifatida – Konstitutsiya va qonunlarning mazmun-mohiyatini fuqarolarga yetkazish, ularning huquqiy bilimlarini oshirish etib belgilanganligini inobatga olib, professor-o‘qituvchi, xodim va talabalarga dars mashg‘ulotlari va asosiy ishiga ta’sir ko‘rsatmagan holda joylarda keng qamrovli targ‘ibot tadbirlarini tashkil etish, OAVlari orqali chiqishlar qilish zarurligini tushuntirsin.

5. Uzluksiz ta’lim boshqarmasi (D.Avezov) TDYU huzuridagi akademik litseylar hamda yuridik texnikumlarda O‘zbekiston Respublikasi Konstitutsiyasi kuni tadbirlarini “Konstitutsiya – xalqchil davlat, barqaror taraqqiyot va farovon hayot asosi!” shiori ostida keng nishonlanishini nazoratga olsin.

6. Konstitutsiya kuni bayrami munosabati bilan yangi tahrirdagi Konstitutsiyaning mazmun-mohiyatini aholi, shu jumladan yoshlarga tushuntirishga qaratilgan “Konstitutsiya – xalqchil davlat, barqaror taraqqiyot va farovon hayot asosi!” shiori ostida “Targ‘ibot poyezdi” loyihasi 2–6-dekabr kunlari respublika bo‘ylab tashkil etilsin.

7. “Targ‘ibot poyezdi” loyihasini tashkil etish bo‘yicha ishchi guruh tarkibi 2-ilovaga, loyihani tashkil etish bo‘yicha konsepsiya 3-ilovaga muvofiq tasdiqlansin.

8. Ishchi guruhi (Sh.Po‘lotov):

“Targ‘ibot poyezdi” loyihasini tashkil etish yuzasidan belgilangan vazifalarni o‘z vaqtida va sifatli bajarilishini ta’minlasin;

hududlarda faoliyat olib boruvchi targ‘ibot guruhlarini shakllantirish hamda ular tomonidan belgilangan vazifalarning samarali bajarilishini muvofiqlashtirsin va bu borada ularga ko‘maklashsin;

joylarda o‘tkaziladigan huquqiy-targ‘ibot tadbirlarini mazmunli va sifatli o‘tkazilishini ta’minlash maqsadida targ‘ibot guruhi a’zolari uchun malakali mutaxassisnlarni jalb qilgan holda seminar-treninglar tashkil etish choralarini ko‘rsin;

Konstitutsiyaviy huquq kafedrası (I.Bekov) bilan birgalikda hududlarda o‘tkaziladigan tadbirlarda foydalanish maqsadida targ‘ibot guruhi a’zolarini targ‘ibot materiallari va tegishli taqdimot bilan ta’minlash choralarini ko‘rsin;

Jamoatchilik va OAV bilan aloqalar bo‘limi (J.Haydarov) bilan birgalikda amalga oshirilayotgan ishlarni keng jamoatchilikka yetkazish maqsadida ommaviy axborot vositalari bilan o‘zaro hamkorlikda faoliyat olib borsin;

Targ‘ibot guruhi a’zosi sifatida loyihaga jalb qilinadigan talabalarni xizmat safariga yuborish bilan bog‘liq masalalarni hal etish choralarini ko‘rsin;

amalga oshirilgan ishlar bo‘yicha O‘zbekiston Respublikasi Adliya vazirligiga axborot kiritsin.

9. Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonov:

“Targ‘ibot poyezdi” loyihasini yuqori saviyada tashkil etilishi, targ‘ibot guruhi a‘zolarini hududlarga xavfsiz borib-kelishi, joylarda targ‘ibot tadbirlarini loyihani tashkil etish konsepsiyasiga muvofiq tashkil etilishi hamda ko‘zlangan maqsadga erishishini to‘liq nazoratga olsin;

“Targ‘ibot poyezdi” loyihasini yuqori saviyada tashkil etishda faollik ko‘rsatgan xodim va talabalarni zaruratga ko‘ra rag‘batlantirish yuzasidan taklif kiritsin;

10. O‘quv-uslubiy boshqarma (Registrator ofisi) (S.Bozorov) fakultet dekanlari bilan birgalikda “Targ‘ibot poyezdi” loyihasiga targ‘ibot guruhi a‘zosi sifatida jalb qilingan talabalarga targ‘ibot aksiyasida ishtiroki davomida (o‘quv-seminar va hududlarda o‘tkaziladigan targ‘ibot aksiyasi kunlari) qoldirilgan dars mashg‘ulotlarini qayta o‘zlashtirish sharti bilan sababli deb hisoblash choralarini ko‘rsin.

11. Kadrlar bo‘limi (D.Abdullayev) “Targ‘ibot poyezdi” loyihasini o‘tkazishga targ‘ibot guruhi rahbari sifatida jalb qilingan professor-o‘qituvchi va xodimlarni 2024-yilning 1-6-dekabr kunlari hududlarga xizmat safariga yuborish choralarini ko‘rsin.

12. Buxgalteriya (M.Parpiyev):

targ‘ibot guruhi a‘zolarining borish va kelish, turar joy hamda kundalik xarajatlari va boshqa xarajatlarni belgilangan tartibda amalga oshirilishini ta‘minlasin;

targ‘ibot guruhi a‘zolari tomonidan joylarda tashkil etiladigan tadbirlarda faol ishtirok etgan yoshlarni rag‘batlantirish maqsadida taqdim etishi uchun universitet belgisi tushirilgan (10 dona krujka hamda 10 dona bloknot) mahsulotlarini taqdim etilishini ta‘minlasin;

Tahririy-nashriyot bo‘limi (O.Choriyev) bilan birgalikda ishchi guruh so‘roviga muvofiq targ‘ibot tadbirlarida foydalaniladigan tarqatma material hamda joylardagi faol yoshlarga taqdim etish uchun diplom, faxriy yorliq va tashakkurnomalarni universitet Tipografiyasidan chop ettirilishini ta‘minlasin;

loyihani yuqori saviyada tashkil etish bilan bog‘liq xarajatlarni Universitetning budjetdan tashqari mablag‘lari hisobidan moliyalashtirish choralarini ko‘rsin.

13. Jamoatchilik va OAV bilan aloqalar bo‘limi (J.Haydarov):

Konstitutsiya kuni bayrami munosabati bilan TDYU jamoasi tomonidan amalga oshirilgan ishlar, shu jumladan, “Targ‘ibot poyezdi” loyihasini keng yoritish borasida OAVlari, televideniye va radiokanallar bilan yaqindan hamkorlik qilish choralarini ko‘rsin;

barcha jarayonlardan universitet jamoasi hamda keng jamoatchilikni xabardor qilish maqsadida muntazam ravishda videorolik, informatsion yangiliklar tayyorlab OAVlari orqali keng yoritish choralarini ko‘rsin;

O‘zbekiston Respublikasi Konstitutsiyasi mazmun-mohiyatini keng yoritish

maqsadida TDYU jamoasining OAVlari orqali chiqishlarini tashkil etish choralarini ko'rsin.

14.Devonxona (N.Ergashev) ushbu buyruqni tegishli tarkibiy bo'linmalar e'tiboriga yetkazsin.

15. Mazkur buyruq ijrosi nazoratini o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Direktor

SH.PO‘LOTOV



Kelishildi:

Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Moliya-iqtisod ishlar bo‘yicha
prorektor

A.IMINOV



Ilmiy ishlar va innovatsiyalar
bo‘yicha prorektor

B.XODJAYEV



Bosh mutaxassis

D.ABDULLAYEV



Katta yuriskonsult

A.TURSUNOV



Boshqarma boshlig‘i

D.AVEZOV



Bosh buxgalter

M.PARPIYEV



Bo‘lim boshlig‘i (matbuot kotibi)

J.HAYDAROV



Bosh mutaxassis

SH.NURULLAYEV



**O‘zbekiston Respublikasi Konstitutsiyasi qabul qilinganligining o‘ttiz ikki yilligini
munosib kutib olish va o‘tkazish bo‘yicha
CHORA-TADBIRLAR REJASI**

T/r	O‘tkaziladigan tadbir, loyiha tanlov nomi	Amalga oshirish mexanizmi	Muddati	Mas’ullar
1.	“Konstitutsiya – xalqchil davlat, barqaror taraqqiyot va farovon hayot asosi!” shiori ostida respublikamizning barcha hududlari bo‘ylab yangi tahrirdagi Konstitutsiyaning mazmun-mohiyatini tushuntirishga qaratilgan “Targ‘ibot poyezdi” loyihasini yuqori saviyada tashkil etish.	1. Targ‘ibot tadbirlarida ishtirok etuvchi volontyor talabalar va professor-o‘qituvchilar ro‘yxatini shakllantirish va ulardan iborat targ‘ibot guruhlarini shakllantirish; 2. Targ‘ibot guruhlari uchun malakali professor-o‘qituvchilar tomonidan 1 kunlik seminar tashkil etish. 3. Targ‘ibot guruhi a‘zolari targ‘ibot tadbirlarida foydalanishi uchun tarqatma materiallar va taqdimotlar tayyorlash. 4. Targ‘ibot tadbirlarining manzilli rejalari (umumta’lim maktablari, akademik litseylar, texnikumlar, oliy ta’lim muassasalari va mahallalarda) ishlab chiqish va ular bilan hamkorlik qilish. 5. “Targ‘ibot poyezdi” loyihasi doirasida targ‘ibot guruhi a‘zolarini respublikamiz hududlariga yuborish; 6. Targ‘ibot tadbirlarini yuqori saviyada tashkil etish. 7. Targ‘ibot tadbirlari jarayonlarni OAVlari orqali yoritish.	20-noyabr 24-noyabr 24-noyabr Belgilangan muddatlarda	Sh.Po‘lotov, D.Abdullayev, I.Bekov, M.Utemuratov J.Haydarov
2.	Umumiy o‘rta, o‘rta maxsus, professional va oliy ta’lim tashkilotlarida barcha o‘quvchi va talabalarni qamrab olgan holda Konstitutsiya darslarini o‘tkazish. Bunda Toshkent davlat yuridik universitetining “Huquq maktabi” platformasi imkoniyatlaridan keng foydalaish choralari ko‘rish.	1. Konstitutsiya darslarini tashkil etish yuzasidan manfaatdor tashkilotlar bilan hamkorlik qilish. 2. Konstitutsiya darslarini tashkil etish namunaviy o‘quv rejasi va materiallarini tayyorlash. 3. Konstitutsiya darslarini belgilangan tartibda yuqori saviyada o‘tkazish. 4. Jarayonlarni OAVlari orqali keng yoritish.	25-noyabr – 6-dekabr	B.Xodjayev, Sh.Saydullayev, S.Latipov, I.Bekov, D.Avezov

3.	Toshkent davlat yuridik universiteti hamda uning tizimidagi ta'lim muassasalari, yuridik texnikumlar talaba va o'quvchilari o'rtasida kahot dasturi orqali yangi tahrirdagi O'zbekiston Respublikasi Konstitutsiyasi mazmun-mohiyatiga bag'ishlangan “Konstitutsiya bilimdoni” onlayn tanlovini o'tkazish.	<ol style="list-style-type: none"> 1. Tanlov o'tkazish tartibini ishlab chiqish, talaba va o'quvchilarga e'lon berish hamda ularni ro'yxatdan o'tkazish. 2. Tanlov topshiriqlarini tayyorlash va onlayn platformaga joylashtirish. 3. Onlayn tanlovni yuqori saviyada tashkil etish. 	5-dekabr	Sh.Po'lotov, D.Avezov, I.Bekov
4.	Ilmiy jamoatchilikni keng jalb qilgan holda Konstitutsiya va uning normalarini amalga oshirishga bag'ishlangan xalqaro ilmiy-amaliy konferensiya	<ol style="list-style-type: none"> 1. Ilmiy-amaliy konferensiyaning o'tkazish tartibi va dasturini ishlab chiqish. 2. Ilmiy-amaliy konferensiya yuzasidan manfaatdor tashkilotlar bilan hamkorlik qilish. 3. Konferensiyaning yuqori saviyada tashkil etish va o'tkazish. 	5-dekabr	I.Bekov, Sh.Saydullayev
5.	“Konstitutsiya – xalqchil davlat, barqaror taraqqiyot va farovon hayot asosi!” shiori ostida huquqshunoslik yo'nalishidagi oliy ta'lim muassasalari talabalari o'rtasida yangi tahrirdagi Konstitutsiya mazmun-mohiyatiga bag'ishlangan talabalar ilmiy-amaliy konferensiyasini o'tkazish.	<ol style="list-style-type: none"> 1. Talabalar konferensiyasi dasturini, o'tkazish tartibi hamda Axborot xatini tayyorlash. 2. Konferensiya yuzasidan huquqshunoslik yo'nalishidagi oliy ta'lim muassasalarini xabardor qilish va ularning ro'yxatini shakllantirish. 3. Konferensiya uchun talabalarning maqolalari hamda ularning taqdimotlarini qabul qilish. 4. Konferensiyaning yuqori saviyada o'tkazish va taqdim etilgan maqola va tezislarni elektron to'plam holida chop ettirish. 5. Jarayonlarni OAVlari orqali keng yoritish. 	6-dekabr	Sh.Po'lotov, S.Saydullayev, I.Bekov, S.Yusupov, M.Utemuratov, J.Haydarov
6.	“Konstitutsiya – xalqchil davlat, barqaror taraqqiyot va farovon hayot asosi!” shiori ostida universitet professor-o'qituvchi, xodim va talabalarining OAVlari (televideniye, radio, davriy va internet nashrlari) orqali ilmiy asoslangan va chuqur tahliliy chiqishlarini tashkil etish	<ol style="list-style-type: none"> 1. OAVlari orqali chiqishlar qilish yuzasidan professor-o'qituvchilarni xabardor qilish. 2. Professor-o'qituvchilar tomonidan chuqur tahliliy maqolalar tayyorlash va “ziyolilar guruhi”da muhokamasini tashkil etish. 3. OAVlari orqali chiqishlarni amalga oshirish. 	noyabr-dekabr oylari davomida	J.Haydarov, Kafedra mudirlari
7.	Yangi tahrirdagi O'zbekiston Respublikasi Konstitutsiyaning mazmun-mohiyatini yoritib beruvchi hamda hamma uchun keng ahamiyatli bo'lgan	<ol style="list-style-type: none"> 1. Qisqa roliklar ssenariysini tayyorlash. 2. Roliklarni tasvirga olish. 3. Roliklarni ijtimoiy tarmoqlarda joylashtirish. 	noyabr-dekabr oylari davomida	J.Haydarov, kafedra mudirlari

	ma'lumotlarni o'zida qamrab olgan, ijtimoiy foydali qisqa roliklar, podkastlar, debatlar tayyorlab ularni OAVlarga joylashtirish.			
8.	<p>Toshkent davlat yuridik universiteti talabalari, yuridik texnikumlar va TDYU huzuridagi akademik litseylar o'quvchilari o'rtasida</p> <p>“Konstitutsiya haqida eng yaxshi ilmiy maqola”;</p> <p>“Konstitutsiya haqida eng yaxshi ommabop maqola”;</p> <p>“Konstitutsiya haqida eng yaxshi infografika”;</p> <p>“Konstitutsiya haqida eng yaxshi videorolik” nominatsiyalarini o'zida qamrab olgan “Eng yaxshi konstitutsiya targ'ibotchisi” tanlovini o'tkazish.</p>	<ol style="list-style-type: none"> 1. Tanlovlarni o'tkazish tartibini ishlab chiqish va ijtimoiy tarmoqlar orqali e'lon berish. 2. Tanlovda nominatsiyalar bo'yicha talabalarning ishtirokini ro'yxatdan o'tkazish; 3. Nominatsiyalar bo'yicha ishlarni qabul qilish va baholash. 4. Tanlov g'oliblarini e'lon qilish. 	25-noyabr – 6-dekabr	Sh.Po'lotov, D.Avezov, I.Bekov, fakultet dekanlari
9.	<p>Konstitutsiyani o'rgatish bo'yicha zamonaviy metodika asosida tayyorlangan darsliklar, o'quv qo'llanmalari va maxsus adabiyotlar ko'rgazmasini tashkil etish.</p>	<ol style="list-style-type: none"> 1. Konstitutsiyani o'rgatish bo'yicha zamonaviy metodika asosida tayyorlangan darsliklar, o'quv qo'llanmalar va maxsus adabiyotlarni to'plash. 2. Darsliklar, o'quv qo'llanmalar va maxsus adabiyotlar ko'rgazmasini Sayilgoh ko'chasida tashkil etish. 	<p>25-noyabr</p> <p>4-dekabr</p>	X.Pirmedova, O.Choriyev, I.Bekov
10.	<p>Toshkent shahrining “Sayilgoh” maydonida “Konstitutsiya ko'chasi”ni Adliya vazirligi va vazirlik tizimidagi tashkilotlar bilan birgalikda shakllantirish hamda Konstitutsiyaga oid madaniy-ma'rifiy ko'ngilochar tadbirni o'tkazish.</p>	<ol style="list-style-type: none"> 1. Konstitutsiyaga oid turli ko'ngilochar tadbirlar, quiz va chelenjlar tashkil etish yuzasidan ssenariy tayyorlash. 2. Sayilgoh maydonida “Konstitutsiya ko'chasi”ni Adliya vazirligi va vazirlik tizimidagi tashkilotlar bilan birgalikda tayyorlash. 3. Belgilangan tadbirlarni yuqori saviyada tashkil etish. 	5-dekabr	A.Xashimhonov, A.Iminov, Sh.Po'lotov, I.Bozorov, Fakultet dekanlari
11.	<p>Professor-o'qituvchi va xodimlar o'rtasida “Huquqiy zakovat” intellektual tanlovini o'tkazish.</p>	<ol style="list-style-type: none"> 1. Intellektual o'yin yuzasidan e'lon berish va jamoalarni shakllantirish. 2. Intellektual o'yinni yuqori saviyada tashkil etish. 3. Jarayonlarni OAVlari orqali yoritish. 	4-dekabr	Sh.Po'lotov, M.O'razaliyev, tarkibiy bo'linma rahbarlari

12.	Toshkent davlat yuridik universitetining ikkinchi o'quv binosida Kontitutsiyaviy huquq kafedrasiga yaqin o'quv xonalarida Konstitutsiya xonalarini tashkil etish.	<p>1. Konstitutsiya xonasi konsepsiyasini tayyorlash.</p> <p>2. Konstitutsiya xonasini tayyorlash yuzasidan tegishli tashkilotlar bilan hamkorlik qilish.</p> <p>3. Konstitutsiya xonasini konstitutsiya mazmunidan kelib chiqqan hold jihozlash.</p> <p>4. Konstitutsiya xonasini konstitutsiya kuni arafasida ochish.</p>	<p>20-noyabr</p> <p>5-dekabr</p>	<p>A.Iminov, M.Parpiyev, I.Bozorov, I.Bekov</p>
13.	Bolalar va yoshlarga Konstitutsiyada belgilangan normalarning mazmun-mohiyatini ochib beruvchi ko'rgazmali materiallar burchagini tashkil etish	<p>1. Bolalar va yoshlarga Konstitutsiyada belgilangan normalarning mazmun-mohiyatini ochib beruvchi ko'rgazmali materiallarni tayyorlash.</p> <p>2. Ko'rgazmali materiallar burchagini tashkil etish.</p>	<p>30-noyabr</p> <p>4-dekabr</p>	<p>Sh.Po'lotov, I.Bekov</p>
14.	"Konstitutsiya ko'chasi"ni targ'ibot va ko'rgazmali bannerlar bilan bezatish	<p>1. Targ'ibot va ko'rgazmali bannerlarni tayyorlash.</p> <p>2. Targ'ibot va ko'rgazmali bannerlarni chop etish choralari ko'rish.</p> <p>3. "Konstitutsiya ko'chasi"ni targ'ibot va ko'rgazmali bannerlar bilan bezatish.</p>	<p>25-noyabr</p> <p>1-dekabr</p> <p>4-dekabr</p>	<p>Sh.Po'lotov, I.Bozorov</p>
15.	Konstitutsiyaga oid turli ko'ngilochar tadbirlar, Quiz va chellenjlar tashkil etish, fuqarolarning Konstitutsiyaga oid bilimlarini sinovdan o'tkazish bo'yicha viktorina loyihasini amalga oshirish, g'olib fuqarolarni Konstitutsiya kitobi, Konstitutsiya ramzi tushirilgan mahsulotlar bilan taqdirlash.	<p>1. Konstitutsiyaga oid turli ko'ngilochar tadbirlar, quiz va chellenjlar tashkil etish bo'yicha ssenariy ishlab chiqish.</p> <p>2. Ko'ngilochar tadbirlar, quiz va chellenjlar tashkil etish bo'yicha TDYU talabalaridan iborat volontyorlar guruhini shakllantirish.</p> <p>3. Ssenariy asosida volontyorlar ishtirokida ko'ngilochar tadbirlar, quiz va chellenjlar o'tkazish.</p> <p>4. Fuqarolarning Konstitutsiyaga oid bilimlarini sinovdan o'tkazish bo'yicha viktorina savollarini shakllantirish.</p> <p>5. Viktorina loyihasida g'olib bo'lgan fuqarolarni taqdirlash maqsadida Konstitutsiya kitobi, Konstitutsiya ramzi tushirilgan mahsulotlarni tayyorlash hamda xarid qilish choralari ko'rish.</p>	<p>22-noyabr</p> <p>25 noyabr</p> <p>5-8 dekabr</p> <p>30 noyabr</p> <p>30 noyabr</p>	<p>Sh.Po'lotov, I.Bekov</p>

**“Konstitutsiya – xalqchil davlat, barqaror taraqqiyot va farovon hayot
asosi!” shiori ostida keng qamrovli “Targ‘ibot poyezdi”
loyihasini tashkil etish bo‘yicha
ISHCHI GURUH TARKIBI**

T/r	Ishchi guruh a‘zolarining F.I.Sh	Ish joyi va lavozimi
1.	Xashimhonov Axrorhon Mo‘minovich	Yoshlar bilan ishlash va ma‘naviy- ma‘rifiy ishlar bo‘yicha birinchi prorektor, Ishchi guruh rahbari;
2.	Po‘lotov Sherzod Shuxratovich	Ma‘naviyat va ma‘rifat markazi direktori, Ishchi guruh rahbari o‘rinbosari;
3.	Bekov Ixtiyor Rustamovich	Konstitutsiyaviy huquq kafedrasini mudiri, a‘zo;
4.	Utemuratov Maxmut Ajimuratovich	Davlat va huquq nazariyasi kafedrasini mudiri, a‘zo;
5.	Parpiyev Muslimbek Maqsudaliyevich	Bosh buxgalter, a‘zo;
6.	Haydarov Jahongir Anvarovich	Jamoatchilik va OAV bilan aloqalar bo‘limi, a‘zo;
7.	Kushmatov Abrorjon Rayimjonovich	Ommaviy huquq fakulteti dekani o‘rinbosari, a‘zo;
8.	Rahmatov Elyor Jumaboyevich	Xususiy huquq fakulteti dekani o‘rinbosari, a‘zo;
9.	Bobodo‘stov Shahriddin Muxammadiyevich	Xalqaro huquq va qiyosiy huquqshunsoqlik fakulteti dekani o‘rinbosari, a‘zo;
10.	Nodirov Muzaffar Axmad o‘g‘li	Jinoiy odil sudlov fakulteti dekani o‘rinbosari, a‘zo;
11.	Ochilov Shohruh Ravshan o‘g‘li	Ma‘naviyat va ma‘rifat markazi uslubchisi, ishchi guruh kotibi.

**“Konstitutsiya – xalqchil davlat, barqaror taraqqiyot va farovon hayot asosi!” shiori ostida o'tkaziladigan “Targ'ibot poyezdi” loyihasi bo'yicha
KONSEPSIYA**

I. Umumiy qoidalar

Aholining, ayniqsa yoshlarning konstitutsiya haqidagi muhim bilimlarni egallashi, konstitutsiya va uning asosida qabul qilingan amaldagi normativ-huquqiy hujjatlar haqidagi tushunchalarning mazmun-mohiyatini tushunishi, talqin qila olishi hamda ulardan to'g'ri foydalanish ko'nikmasiga ega bo'lishi muhim ustuvor masala hisoblanadi.

Bugungi kunda aholining, ayniqsa yoshlarning huquqiy ongi va madaniyatini yanada oshirishga doir tadbirlarni muntazam o'tkazib borish Adliya vazirligi tizimida, shuningdek tizimdagi ta'lim muassasalarida yaxshi yo'lga qo'yilgan bo'lib, xalqimiz irodasiga muvofiq yangi konstitutsiya qabul qilinganidan keyin ushbu tadbirlarni yangi pog'onaga olib chiqish yanada muhim ahamiyatga ega.

Ushbu jarayonda aholining faolligini oshirish, bu borada ularni huquqiy axborot bilan ta'minlash, huquqiy targ'ibotning innovatsion usullaridan keng foydalanish maqsadga muvofiq.

II. Loyihaning asosiy maqsad va vazifalari

Loyihaning maqsadi – aholining, ayniqsa yoshlarning konstitutsiyaga oid bilimlarini rivojlantirish, ularning huquqiy ongi va madaniyatini yanada yuksaltirish, mamlakatimizda amalga oshirilayotgan keng ko'lamli demokratik, ijtimoiy va siyosiy islohotlardan xabardor qilishdan iborat.

Loyiha doirasida quyidagi vazifalarni amalga oshirish nazarda tutilgan:

a) aholi o'rtasida huquqiy ong va huquqiy madaniyatni yanada oshirish hamda bu orqali aholining, ayniqsa yoshlarning konstitutsiya borasidagi bilimlarini yanada mustahkamlash;

b) vatanimiz kelajagi va ravnaqi yo'lida amalga oshirilayotgan islohotlarning mazmun-mohiyatini aholiga yetkazish;

v) yoshlarni intellektual va ma'naviy yetuk etib tarbiyalash hamda barqaror milliy taraqqiyotning drayveriga aylantirish;

g) aholining, ayniqsa yoshlarning ijtimoiy faolligini oshirish, yoshlar jamoat tashkilotlari va volontyorlik harakatlarini qo'llab-quvvatlash.

III. Loyihani amalga oshirish tartibi

Loyiha respublikaning 14 ta hududida joriy yilning 2–6-dekabr kunlari davomida amalga oshiriladi.

Loyihani amalga oshirish uchun har bir hudud kesimida 5 nafar a’zodan iborat bo’lgan Targ’ibot guruhlar tuziladi.

Targ’ibot guruhiga Toshkent davlat yuridik universiteti (keyingi o’rinlarda – Universitet)ning malakali professor-o’qituvchi va xodimlari orasidan belgilangan vakil rahbarlik qiladi. Shuningdek, Targ’ibot guruhi tarkibiga Universitetning 4 nafar iqtidorli talabalari kiritiladi.

Targ’ibot guruhi a’zolari Adliya vazirligi va Universitet mas’ul xodimlari tomonidan temiryo’l vokzaliga chiqqan holda hududlarga jo’natiladi.

Targ’ibot guruhi a’zolari hududlarga yetib borganda hududiy adliya organlari tomonidan kutib olinadi va tegishli turar-joyga joylashtiriladi.

Loyiha tadbirlari hududiy adliya organlari tomonidan oldindan shakllantirilgan targ’ibot tadbirlarining manzilli reja-jadvaliga muvofiq tegishli tashkilotlarda aholi, ayniqsa yoshlarni keng jalb qilgan holda o’tkaziladi.

Tadbir tegishli tashkilot rahbari tomonidan ochib beriladi.

Ma’ruza uchun ilk so’z Universitet professor-o’qituvchisiga beriladi.

Shundan so’ng guruh a’zosi bo’lgan talabalar tomonidan o’z yo’nalishlari doirasida chiqishlar amalga oshiriladi.

Tadbir davomida turli viktorina va tanlovlar o’tkaziladi va tadbir yakunida g’olib va sovrindorlar aniqlanib mukofotlanadi.

Loyiha bo’yicha tadbirlar yakunlangandan so’ng Targ’ibot guruhi a’zolari hududiy adliya organlari mas’ul xodimlari tomonidan temiryo’l vokzali orqali kuzatib qo’yiladi.

Targ’ibot guruhi a’zolari hududlardan qaytganda Adliya vazirligi va Universitet mas’ul xodimlari tomonidan kutib olinadi.

IV. Kutilayotgan natija

“Targ’ibot poyezdi” loyihasini amalga oshirilishi natijasida talaba-yoshlarning konstitutsiyaga oid bilimlari yanada rivojlanadi, ularning huquqiy madaniyati va ongi yanada yuksaladi, mamlakatimizda amalga oshirilayotgan keng ko’lamli demokratik, ijtimoiy va siyosiy islohotlardan xabardorlik darajasi ortadi.

Aholining, ayniqsa yoshlarning shaxsiy rivojlanishi va huquqiy madaniyati yanada rivojlanadi, ularda faol fuqarolik pozitsiyasi shakllangan holda mamlakatda amalga oshirilayotgan islohotlarga nisbatan daxldorlik hissi ortadi.